



Broj: 07-3-59-1/20 E.R.-B.
Sarajevo, 18.02.2020. godine

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Ulica: Reisa Dž. Čauševića broj 1
71 000 Sarajevo

n/ r Predsjedavajućeg Skupštine Kantona Sarajevo

PREDMET: Odgovor na zastupničko pitanje, dostavlja se

Dana 10.02.2020. godine Kantonalna javna ustanova za zaštićena prirodna područja je zaprimila dopis Skupštine Kantona Sarajevo i u prilogu zastupničko pitanje zastupnice u Skupštini Kantona Sarajevo Danijele Kristirć broj i datum: 01-04-2076-12/20 od 28.01.2020. godine.

Zastupničko pitanje je upućeno Ministarstvu privrede Kantona Sarajevo, Ministarstvu prostornog uređenja, građenja i zaštite okoliša Kantona Sarajevo, KJKP "Vodovod i Kanalizacija" d.o.o. Sarajevo, Kantonalnoj upravi za inspekcijske poslove, Federalnoj upravi za inspekcijske poslove i ovoj javnoj ustanovi, a odnosi se na dostavu obavijesti za realizaciju Zaključka Vlade Kantona Sarajevo broj: 02-05-10531-22/09 od 23.04.2009. godine a u vezi Rješenja o rušenju dograđenog novog objekta i novoizgrađene platforme za ljetnu baštu investitoru HBRP "Hoteli Ilidža", vlasniku restorana "Labud", smještenog na lokalitetu Spomenika prirode "Vrelo Bosne".

Kantonalna javna ustanova za zaštićena prirodna područja u svojstvu **Upravitelja** područjem Spomenika prirode "Vrelo Bosne" dostavlja s l j e d e ć i:

O d g o v o r

Kantonalna javna ustanova za zaštićena prirodna područja shodno članu 3. Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17) između ostalih upravlja područjem Spomenika prirode "Vrelo Bosne".

Prvobitno područje Vrela Bosne je Zakonom o proglašenju Spomenika prirode "Vrelo Bosne" ("Sl. novine Kantona Sarajevo" broj 16/06) proglašeno III kategorijom zaštite prirodnih vrijednosti spomenik prirode, a Odlukom o osnivanju Kantonalne javne ustanove Spomenik prirode "Vrelo Bosne" Sarajevo ("Sl. novine Kantona Sarajevo", broj 26/07) je osnovana Kantonalna javna ustanova Spomenik prirode "Vrelo Bosne" Sarajevo i dodjeljeno je na upravljanje područje Spomenika prirode "Vrelo Bosne".

Vlada Kantona Sarajevo je tokom 2008. godine imenovala Upravni odbor kao organa upravljanja KJU Spomenik prirode "Vrelo Bosne" i direktora kao organa rukovođenja koji je zvanično i počeo sa radom 01.05.2009. godine.

Početakom 2009. godine KJU Spomenik prirode "Vrelo Bosne" je upisana u sudski registar privrednih društava kod Općinskog suda u Sarajevu a formalno pravno je počela sa radom 01.07.2009. kada su zaposleni i radnici. Do 01.07.2009. godine poslove privremenog upravitelja područjem Spomenika prirode "Vrelo Bosne" je obavljalo preduzeće KJKP "PARK" d.o.o. Sarajevo kroz posebnu organizacijsku jedinicu.

S druge strane uvidom u raspoloživu dokumentaciju, Vlada Kantona Sarajevo je donijela Zaključak broj: 02-05-10531-22/09 od 23.04.2009. godine u kojem konstatuje da predmetna bespravna gradnja na području Spomenika prirode "Vrelo Bosne" predstavlja ekološki incident najvećeg stepena koji ugrožava zdravlje građana Kantona Sarajevo i uništava izuzetno vrijedno prirodno bogatstvo, vodne resurse i sve druge eko potencijale i dovodi do degradacije zaštićenog područja Vrelo Bosne". Tačkom 2. Zaključka se nalaže resornim ministarstvima Kantona Sarajevo da, svako u okviru svog djelokruga rada odmah izdaju naloge nadležnim inspektoratima da preduzmu zakonom sve preduzete radnje u cilju uklanjanja bespravno izgrađenog objekta, a u saradnji sa KJKP RAD i uz asistenciju policije. Predmetnu informaciju je iz tačke 1. Zaključka je potrebno dostaviti Tužilaštvu Kantona Sarajevo da hitno poduzme aktivnosti kako bi se stavilo pod zaštitu područje Spomenika prirode "Vrelo Bosne" i osiguralo nesmetano snabdijevanje higijenski ispravnom vodom krajnjih korisnika, kao i očuvanja brojnih prirodnih, pejzažnih hidroloških, kulturno-historijskih, socioloških, edukativnih, naučnih i ekonomskih vrijednosti. Također, Zaključkom je utvrđen krajnji rok za realizaciju aktivnosti (ponedjeljak 27.04.2009. u 10 sati), te su se zadužili svi nosioci aktivnosti da informišu Vladu Kantona Sarajevo.

Služba za inspeksijski nadzor Općine Ilidža je resornom ministarstvu i Kantonalnoj upravi za inspeksijske poslove dostavila Obavijest broj: 15-23-28/09 od 28.04.2009. godine o postupanju općinske urbanističko-građevinske inspekcije u vezi sa zaustavljanjem nelegalne gradnje dijela objekta restorana "Labud" na Vrelu Bosne. U Obavijesti je navedena hronologija dešavanja po pitanju zaustavljanja nelegalne gradnje – rekonstrukcije dijela objekta restorana. Tako je općinska služba dana 23.03.2009. godine na licu mjesta naredila obustavu građevinskih radova građevinskoj firmi i investitoru da bi inspektor ponovo izašao na tereni i konstatovao da radovi nisu zaustavljeni, te je pokrenut upravni postupak dana 21.04.2009. godine. U tom kontekstu doneseno je Rješenje kojim se investitoru naređuje da u roku od 7 (sedam) dana poruši novoizgrađenu nadstrešnicu i platformu za ljetnu baštu koje je izgradio bez pravosnažnog odobrenja za građenje. Dalje u dopisu urbanističko-građevinski inspektor konstatuje da je investitor podnio zahtjev za legalizaciju bespravno izgrađenog objekta – za restoran "Labud", te da nije rješavano po upravnoj stvari i da je postupak u toku.

S poštovanjem,


DIREKTOR
mr. sci. Osman Delić

Dostaviti:

1. Naslovu
2. Ministarstvu prostornog uređenja, građenja i zaštite okoliša Kantona Sarajevo - kao informaciju
3. Arhivi Javne ustanove